

# 佛光大藏經

部 經 · 藏若般

六經若般大



佛光山宗務委員會印行

佛光大藏經

般若藏

· 經

部

大般若經六

佛光山宗務委員會印行

# 佛光大藏經 般若藏·經部 大般若經六

監 修 星雲大師

主 編 佛光大藏經編修委員會

一九九七年五月初版

有版權·請勿翻印

發行者 佛光山宗務委員會

發行人 慈惠(張優理)

出版者 佛光出版社

高雄縣大樹鄉佛光山 雲(〇七)六五六四〇三八〇九

流通處 佛光山寺

高雄縣大樹鄉佛光山 雲(〇七)六五六一九二一〇八

佛光書局

高雄市前金區賢中街二十七號 雲(〇七)二七二八六四九

臺北市忠孝西路一段七十二號九樓之十四 雲(〇二)三一四四六五九

臺北市汀州路三段一八八號二樓 雲(〇二)三六五一八二六

裝訂者 精益裝訂股份有限公司

法律顧問 蘇盈貴律師

郵政劃撥第〇〇四五六三五一五號

行政院新聞局出版事業登記證局版台業字第一五二四號

如有缺頁或裝訂錯誤，請寄回本社更換

國家圖書館出版品預行編目資料

佛光大藏經·般若藏 / 佛光大藏經編修委員會主編  
· -- 初版. -- 高雄縣大樹鄉：佛光，1997 [ 民 86 ]  
42 冊；21 公分  
ISBN 957-543-558-3( 一套：精裝 )

1.般若部

221.4

86000677

ISBN 957-543-558-3 ( 一套：精裝 )

ISBN 957-543-558-3



9 789575 435585

# 大般若波羅蜜多經卷第一百二十三

## 初分校量功德品第三十之二十一

「世尊！云何以佛十力無二爲方便，無生爲方便，無所得爲方便，迴向一切智智，修習一切智、道相智、一切相智？」

「慶喜！佛十力，佛十力性空。何以故？以佛十力性空與一切智、道相智、一切相智無二無二分故。」

「世尊！云何以四無所畏、四無礙解、大慈大悲大喜大捨、十八佛不共法無二爲方便，無生爲方便，無所得爲方便，迴向一切智智，修習一切智、道相智、一切相智？」

「慶喜！四無所畏、四無礙解、大慈大悲大喜大捨、十八佛不共法，四無所畏、四無礙解、大慈大悲大喜大捨、十八佛不共法性空。何以故？以四無所畏、四無礙解、大慈大悲大喜大捨、十八佛不共法性空與一切智、道相智、一切相智無二無二分故。」

。慶喜！由此故說以佛十力等無二爲方便，無生爲方便，無所得爲方便，迴向一切智智，修習一切智、道相智、一切相智。」

「世尊！云何以佛十力無二爲方便，無生爲方便，無所得爲方便，迴向一切智智，修習一切陀羅尼門、一切三摩地門？」

「慶喜！佛十力，佛十力性空。何以故？以佛十力性空與一切陀羅尼門、一切三摩地門無二無二分故。」

「世尊！云何以四無所畏、四無礙解、大慈大悲大喜大捨、十八佛不共法無二爲方便，無生爲方便，無所得爲方便，迴向一切智智，修習一切陀羅尼門、一切三摩地門？」

「慶喜！四無所畏、四無礙解、大慈大悲大喜大捨、十八佛不共法，四無所畏、四無礙解、大慈大悲大喜大捨、十八佛不共法性空。何以故？以四無所畏、四無礙解、大慈大悲大喜大捨、十八佛不共法性空與一切陀羅尼門、一切三摩地門無二無二分故。慶喜！由此故說以佛十力等無二爲方便，無生爲方便，無所得爲方便，迴向一切智智，修習一切陀羅尼門、一切三摩地門。」

「世尊！云何以佛十力無二爲方便，無生爲方便，無所得爲方便，迴向一切智智，修習菩薩摩訶薩行？」

「慶喜！佛十力，佛十力性空。何以故？以佛十力性空與彼菩薩摩訶薩行無二無二分故。」

「世尊！云何以四無所畏、四無礙解、大慈大悲大喜大捨、十八佛不共法無二爲方便，無生爲方便，無所得爲方便，迴向一切智智，修習菩薩摩訶薩行？」

「慶喜！四無所畏、四無礙解、大慈大悲大喜大捨、十八佛不共法，四無所畏、四無礙解、大慈大悲大喜大捨、十八佛不共法性空。何以故？以四無所畏、四無礙解、大慈大悲大喜大捨、十八佛不共法性空與彼菩薩摩訶薩行無二無二分故。慶喜！由此故說以佛十力等無二爲方便，無生爲方便，無所得爲方便，迴向一切智智，修習菩薩摩訶薩行。」

「世尊！云何以佛十力無二爲方便，無生爲方便，無所得爲方便，迴向一切智智，修習無上正等菩提？」

「慶喜！佛十力，佛十力性空。何以故？以佛十力性空與彼無上正等菩提無二無

二分故。」

「世尊！云何以四無所畏、四無礙解、大慈大悲大喜大捨、十八佛不共法無二爲方便，無生爲方便，無所得爲方便，迴向一切智智，修習無上正等菩提？」

「慶喜！四無所畏、四無礙解、大慈大悲大喜大捨、十八佛不共法，四無所畏、四無礙解、大慈大悲大喜大捨、十八佛不共法性空。何以故？以四無所畏、四無礙解、大慈大悲大喜大捨、十八佛不共法性空與彼無上正等菩提無二無二分故。慶喜！由此故說以佛十力等無二爲方便，無生爲方便，無所得爲方便，迴向一切智智，修習無上正等菩提。」

「世尊！云何以無忘失法無二爲方便，無生爲方便，無所得爲方便，迴向一切智智，修習布施、淨戒、安忍、精進、靜慮、般若波羅蜜多？」

「慶喜！無忘失法，無忘失法性空。何以故？以無忘失法性空與布施、淨戒、安忍、精進、靜慮、般若波羅蜜多無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，修習布施、淨戒、安忍、精進、靜慮、般若波羅蜜多？」



「慶喜！恒住捨性，恒住捨性性空。何以故？以恒住捨性性空與布施、淨戒、安忍、精進、靜慮、般若波羅蜜多無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，修習布施、淨戒、安忍、精進、靜慮、般若波羅蜜多。」

「世尊！云何以無忘失法無二爲方便，無生爲方便，無所得爲方便，迴向一切智智，安住內空、外空、內外空、空空、大空、勝義空、有爲空、無爲空、畢竟空、無際空、散空、無變異空、本性空、自相空、共相空、一切法空、不可得空、無性空、自性空、無性自性空？」

「慶喜！無忘失法，無忘失法性空。何以故？以無忘失法性空與彼內空乃至無性自性空無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，安住內空、外空、內外空、空空、大空、勝義空、有爲空、無爲空、畢竟空、無際空、散空、無變異空、本性空、自相空、共相空、一切法空、不可得空、無性空、自性空、無性自性空？」

「慶喜！恒住捨性，恒住捨性性空。何以故？以恒住捨性性空與彼內空乃至無性自性空無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，安住內空乃至無性自性空。」

「世尊！云何以無忘失法無二爲方便，無生爲方便，無所得爲方便，迴向一切智智，安住眞如、法界、法性、不虛妄性、不變異性、平等性、離生性、法定、法住、實際、虛空界、不思議界？」

「慶喜！無忘失法，無忘失法性空。何以故？以無忘失法性空與彼眞如乃至不思議界無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，安住眞如、法界、法性、不虛妄性、不變異性、平等性、離生性、法定、法住、實際、虛空界、不思議界？」

「慶喜！恒住捨性，恒住捨性性空。何以故？以恒住捨性性空與彼眞如乃至不思議界無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，安住眞如乃至不思議界。」

「世尊！云何以無忘失法無二爲方便，無生爲方便，無所得爲方便，迴向一切智，安住苦集滅道聖諦。」

「慶喜！無忘失法，無忘失法性空。何以故？以無忘失法性空與彼苦集滅道聖諦無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智，安住苦集滅道聖諦？」

「慶喜！恒住捨性，恒住捨性性空。何以故？以恒住捨性性空與彼苦集滅道聖諦無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智，安住苦集滅道聖諦。」

「世尊！云何以無忘失法無二爲方便，無生爲方便，無所得爲方便，迴向一切智，修習四靜慮、四無量、四無色定？」

「慶喜！無忘失法，無忘失法性空。何以故？以無忘失法性空與四靜慮、四無量、四無色定無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智

智，修習四靜慮、四無量、四無色定？」

「慶喜！恒住捨性，恒住捨性性空。何以故？以恒住捨性性空與四靜慮、四無量、四無色定無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，修習四靜慮、四無量、四無色定。」

「世尊！云何以無忘失法無二爲方便，無生爲方便，無所得爲方便，迴向一切智智，修習八解脫、八勝處、九次第定、十遍處？」

「慶喜！無忘失法，無忘失法性空。何以故？以無忘失法性空與八解脫、八勝處、九次第定、十遍處無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，修習八解脫、八勝處、九次第定、十遍處？」

「慶喜！恒住捨性，恒住捨性性空。何以故？以恒住捨性性空與八解脫、八勝處、九次第定、十遍處無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，修習八解脫、八勝處、九次第定、十遍處。」

┌

「世尊！云何以無忘失法無二爲方便，無生爲方便，無所得爲方便，迴向一切智，修習四念住、四正斷、四神足、五根、五力、七等覺支、八聖道支？」

「慶喜！無忘失法，無忘失法性空。何以故？以無忘失法性空與四念住、四正斷、四神足、五根、五力、七等覺支、八聖道支無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智，修習四念住、四正斷、四神足、五根、五力、七等覺支、八聖道支？」

「慶喜！恒住捨性，恒住捨性性空。何以故？以恒住捨性性空與四念住、四正斷、四神足、五根、五力、七等覺支、八聖道支無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智，修習四念住、四正斷、四神足、五根、五力、七等覺支、八聖道支。」

「世尊！云何以無忘失法無二爲方便，無生爲方便，無所得爲方便，迴向一切智，修習空解脫門、無相解脫門、無願解脫門？」

「慶喜！無忘失法，無忘失法性空。何以故？以無忘失法性空與空解脫門、無相解脫門、無願解脫門無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，修習空解脫門、無相解脫門、無願解脫門？」

「慶喜！恒住捨性，恒住捨性性空。何以故？以恒住捨性性空與空解脫門、無相解脫門、無願解脫門無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，修習空解脫門、無相解脫門、無願解脫門。」

「世尊！云何以無忘失法無二爲方便，無生爲方便，無所得爲方便，迴向一切智智，修習五眼、六神通？」

「慶喜！無忘失法，無忘失法性空。何以故？以無忘失法性空與五眼、六神通無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，修習五眼、六神通？」

「慶喜！恒住捨性，恒住捨性性空。何以故？以恒住捨性性空與五眼、六神通無二無二分故。慶喜！由此故說以無忘失法等無二爲方便，無生爲方便，無所得爲方便」

，迴向一切智智，修習五眼、六神通。」

「世尊！云何以無忘失法無二爲方便，無生爲方便，無所得爲方便，迴向一切智智，修習佛十力、四無所畏、四無礙解、大慈大悲大喜大捨、十八佛不共法？」

「慶喜！無忘失法，無忘失法性空。何以故？以無忘失法性空與佛十力、四無所畏、四無礙解、大慈大悲大喜大捨、十八佛不共法無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，修習佛十力、四無所畏、四無礙解、大慈大悲大喜大捨、十八佛不共法？」

「慶喜！恒住捨性，恒住捨性性空。何以故？以恒住捨性性空與佛十力、四無所畏、四無礙解、大慈大悲大喜大捨、十八佛不共法無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，修習佛十力、四無所畏、四無礙解、大慈大悲大喜大捨、十八佛不共法。」

「世尊！云何以無忘失法無二爲方便，無生爲方便，無所得爲方便，迴向一切智智，修習無忘失法、恒住捨性？」

「慶喜！無忘失法，無忘失法性空。何以故？以無忘失法性空與無忘失法、恒住

捨性無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智，修習無忘失法、恒住捨性？」

「慶喜！恒住捨性，恒住捨性性空。何以故？以恒住捨性性空與無忘失法、恒住捨性無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智，修習無忘失法、恒住捨性。」

「世尊！云何以無忘失法無二爲方便，無生爲方便，無所得爲方便，迴向一切智，修習一切智、道相智、一切相智？」

「慶喜！無忘失法，無忘失法性空。何以故？以無忘失法性空與一切智、道相智、一切相智無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智，修習一切智、道相智、一切相智？」

「慶喜！恒住捨性，恒住捨性性空。何以故？以恒住捨性性空與一切智、道相智、一切相智無二無二分故。慶喜！由此故說以無忘失法等無二爲方便，無生爲方便，



無所得爲方便，迴向一切智智，修習一切智、道相智、一切相智。」

「世尊！云何以無忘失法無二爲方便，無生爲方便，無所得爲方便，迴向一切智智，修習一切陀羅尼門、一切三摩地門？」

「慶喜！無忘失法，無忘失法性空。何以故？以無忘失法性空與一切陀羅尼門、一切三摩地門無二無二分故。」

「世尊！云何以恒住捨性無二爲方便，無生爲方便，無所得爲方便，迴向一切智智，修習一切陀羅尼門、一切三摩地門？」

「慶喜！恒住捨性，恒住捨性性空。何以故？以恒住捨性性空與一切陀羅尼門、一切三摩地門無二無二分故。慶喜！由此故說以無忘失法等無二爲方便，無生爲方便，無所得爲方便，迴向一切智智，修習一切陀羅尼門、一切三摩地門。」

「世尊！云何以無忘失法無二爲方便，無生爲方便，無所得爲方便，迴向一切智智，修習菩薩摩訶薩行？」

「慶喜！無忘失法，無忘失法性空。何以故？以無忘失法性空與彼菩薩摩訶薩行無二無二分故。」